

Image not found

<https://letteraturaeuropea.let.uniroma1.it/sites/all/themes/business/logo.png>

Lirica Medievale Romanza

Published on *Lirica Medievale Romanza* (<https://letteraturaeuropea.let.uniroma1.it>)

Home > BERNART DE VENTADORN > EDIZIONE > Pois preyatx me, senhor > Tradizione manoscritta
> CANZONIERE I > Edizione diplomatica

Edizione diplomatica

Image not found https://letteraturaeuropea.let.uniroma1.it/?q=sites/default/files/styles/330px/public/I%20%284%29_10.jpeg&itok=uptMllaU	Bernartz del uentedorñ
---	--------------------------------------

	PUois mi preiatz seingnor. Q(ue)u chant eu chantarai. Equan cug chantar plor. Ab lora q(ue)u ma sai. Greu ueires chantador. Ben chant quant mal li uai. Uai mi do(n)c mal damor. Mout mielz quanc no(n) fes mai. Edoncs p(er) que mesmai.
	Gran ben egran honor. Conosc que dieus mi fai. Queu am la bellasor. Et ella mi qui el sai. Et eu sui sai aillor. Eno(n) sai con lestai. So mauci de dolor. Quar ochaison no(n) ai. De souen uenir la.
	Ies damar nom recre. P(er) mal ni p(er) afan. A(n)z quan dieus mi fai be. Nol refui nil soa(n). Equan locs ses deue. Sai ben soffrir mo(n) dan. Cala cocha coue. Que hom sanes lo-ingnan. P(er) mielz saillir enan.
	Bona dompna merce. Del uostre fin ama(n). Quieus am p(er) bona fe. Anc ren no(n) amei ta(n). Mans iontas ab cap cle. Uos mautrei em coman. Ese locs ses deue. Mostras mun bel semblan. Que mout nai gran talan.
	Mas pero tan ben nai. Quan delei mi so-ue. Que quim crida nim bai. Eu no(n) aug nulla re. Tan dousamen me trai. La bellal cor de se. Que tals ditz q(ue)u sui sai. Eso cuie so cre. Ies de sos oillz nom ue.
	Amors eque farai. Egarrai mais ab te. Del dezerier que(m) ue. No(n) quan sai q(ue)u morrai. Si la bella on iai. Noma cuoill apres se. Queu la tengue labai. Elestrenc enuers me. Son bel cors blanc ele.
	Lai amon escuder don dieus cor etalan. Ca(m) dui nanem truan. Equil en men ab se. So don ai plus talan. Et eu mon aziman.

- letto 415 volte